



UNIVERSITÄTS-
BIBLIOTHEK
PADERBORN

**R. P. Ivlii Fatii S. J. Liber De Mortificatione Nostrarvm
Passionvm, Prauorumque affectuum**

Fazio, Giulio

Köln, 1604

De scrupulis conscientiae nimijs rescindendis, & de origine
scrupulositatum. X.

[urn:nbn:de:hbz:466:1-60991](https://nbn-resolving.org/urn:nbn:de:hbz:466:1-60991)

DE MORTIFICAT. 245

efficiuntur, & demonis filij. Idcirco, qui
securè & fructuosè se exercitare vult, *Exercitiu*
omnia sua exercitia ordinare debet ad val- *suum.*
de in se excitandū amorē Dei, & nō ad ob-
tinendā altā notitiā eorum quæ sibi neces-
saria non sunt. Et si aliquam cognitionem
à Deo acceperit, tamen non debet in ea re-
quiescere, vel nimīū credulus esse, nisi prius
studuerit sapienter & humiliter super hoc
consulere illos, qui discretionem omnium
spirituum habent. In illo verò dūtaxat re- *Quies.*
quiescere debet, quod propter amorē Dei
se semper paratum inueniat ad standum, in
omni relictione.

CAPVT X.

*De scrupulis conscientie nimijs rescindendis,
& de origine scrupulositatum.*

Decima est perfecta mortificatio o-
mnis scrupulositatis cordis cū perfe-
cta confidentia in Deū. Hic sciendū
est, quod sunt aliqui, qui conscientiam
suam quietate non valent amara cōtritiō-
ne, sæpe confitendo, aut magnam pœnitē-
tiam faciendo, quin semper permaneāt in
tremebunda anxietate & timore, ac corde
inquieta, sine vera spe & confidentia in
Deo. Et quantumlibet magnum conscien-
tiæ scrupulum habeant, & quālibet sæpe
confiteantur, tamen non fideliter laborāt

L 2

cmē-

emendare defectus, de quibus conscientia remorsum habeant & anxiantur. Et istud est signum, scrupulositatem hanc non ex amore iustitiae, sed ex timore diuinae vindictae descendere.

Scrupulositatis origo.

Facit etiam ista conscientiae scrupulositas saepe aliqua esse peccata, quae in seipsis peccata non sunt: venitque ex duplici origine. Prima est inordinatus amor sui ipsius, quia ex illo venit inordinatus timor, scilicet quod aliquis nimium formidat, quicquid naturae contrarium est. Et ergo licet appareat exterius istos seruare praeccepta Dei & sanctae Ecclesiae, tamen praecceptum charitatis non custodiunt: quia quicquid agunt, non ex charitate, sed timore & coactione, ne damnentur, perficiunt: ac per hoc non ex amore Dei, sed sui ipsorum id faciunt. Ea propter in Deo confidere nequeunt, quia Deo fideles non sunt: sed tota vita eorum interior pauor est & formido, labor & miseria. Et quicquid agunt in oratione, in laborando, in poenitentibus, in operibus misericordiae, totum faciunt ad expellendum istum timorem, sed nihil eos haec iuuare possunt, Nam quanto amplius se diligunt, tanto mortem, iudicium ac poenas inferni magis metuunt. Notari ex isto potest, inordinatum timorem venire ex amore sui ipsius, quo unusquisque appetit esse beatus

Timor inordinatus unde.

DE MORTIFICAT. 245

beatus, quamuis ei qui cum beatum face-
re potest, sit infidelis. Alia origo scrupu-
lositatis est ex hoc, quod amor eorum ad
Deum modicus est: quia paruus amor par-
uam causat confidentiam. Et solus amor
Dei perducit hominem ad veram spem &
confidentiam diuinæ misericordiæ, boni-
tatis, liberalitatis & gratiæ: quam confidē-
tiam nulla virtus, quantumcunque ma-
gna appareat, nec vlla pœnitentia sine a-
more Dei potest dare. Nihil autem tam
necessarium est volenti ad vitam perfe-
ctam peruenire, sicut magna spes & con-
fidentia in Deo. O sancta spes; o beata in-
Deo confidentia, dum modo non pertra-
hat aliquem ad incuriam & accediam suæ
edationis, sed magis excitet ad dignio-
rem gratitudinem, & ad diligentiam acqui-
rendi perfectius diuinam gratiam & cha-
ritatem, atque ad omnem virtutum per-
fectionem, ad abijciendum omne quod
sensuale est, & ad proseguendum quicquid
ad sui ipsius mortificationem deseruit, ad
sufferendam quoque hilariter omnem ad-
uersitatem: tunc huiusmodi spes sibi valde
necessaria est & salutifera. Nam quanto
plus sperat, tanto magis gratus est,
seipsumque amplius e-
mendat.

*Confiden-
tia in De-
um.*